


ZAMBAK

List učenika Osnovne škole „Mehmed-beg Kapetanović Ljubušak“

Godina XXIII Broj 42 Decembar/Prosinac 2019.godina



Ilma Selmanović VI-1

Redakcija:


Alibašić Hamza, Barić Đuzela, Buljubašić Ayman, Fočo Ayman, Hasanović Vedad, Osmanbegović Azra, Bišćević Adem, Dautbegović Nađa, Hodžić Uma, Muminović Mustafa, Bećarević Tarik, Smailagić Naila, Babačić Lejla, Babačić Ilma, Rešidović Armela, Biogradlić Zara, Baždar Enida, Rustemović Ema, Omerkić Nahla, Mirvić Hana, Fočo Amela, Hadžić Lana, Mesihović Ahmed, Alilović Semija, Alilović Semiha, Huremović Lejla, Muhović Rijad, Babajić Lukman, Huseinović Muhamed, Halilović Said, Čelik Zana

Uređuju učenici s Behdijom Mustafić, nastavnicom Bosanskog jezika i književnosti, Hrvatskog jezika i književnosti, Srpskog jezika i književnosti i Sabinom Efendić, profesoricom razredne nastave.

Pratite nas i na našoj web stranici: www.osmbklj.edu.ba te na Facebook stranici škole

Riječ urednica

Kao i do sada, već u I polugodištu bilo je mnogo posjeta, obilazaka, izleta... Sve ste to već mogli vidjeti i pročitati na web i Facebook stranici škole. Zbog toga smo odlučili da ćemo ovaj broj vašeg i našeg Zambaka posvetiti učeničkim likovnim i literarnim radovima. Bili ste vrijedni, zanimljivi, kreativni pa zato želimo da i ostali učenici naše škole, roditelji i posjetioци našeg časopisa, vide kako vi to radite. Uživajte u narednim stranicama! Nadamo se da ćete ponešto naučiti, malo se nasmijati i zabaviti.



Prijem prvačića

I ovog septembra novi su đaci sjeli u školske klupe. Ali ove godine, u našoj školi septembar ima novu draž. Naime, u našoj školi su tri odjeljenja novih đaka-pravaka, što nas posebno raduje. Sretne su i naše učiteljice, Seldina, Medina i Aldijana, jer sad imamo pune učionice malih glavica željnih znanja. Prigodnim programom smo ih dočekali, pozdravili i poželjeli sretan početak školovanja. Sretno, dragi prvačići!

Prvi školski dan

*Škola počinje, prvi dan sviće,
Prvačići se pripremaju, dan radosti biće.*


*Pribor su pripremili, knjige su tu,
Da podijele sa svima radost svu.*

*Učiteljicu gledaju, dišu glasno,
Čekaju svoje ime da im pročitaju jasno.*

*Idu za njom, kao pačići mali,
Već u jedan razred svi se poredali.*

*I pjevaju glasno, neka čuju svi,
Koliko su sretni školarci novi.*

Ayman Buljubašić, IV-2



Oktobar-mjesec knjige



Oktobar- mjesec knjige posvećen je svim majkama. Naši sjajni interpretatori u ulozi velikana Dizdarevića, Cankara i Kulenovića na veoma emotivan način prisjetili su se divnih opisa naših majki u književnosti.

25. novembar- Dan državnosti BiH

Svečanom priredbom povodom Dana državnosti Bosne i Hercegovine obilježili smo ovaj važni datum. Priredba nikoga nije ostavila ravnodušnim, a to nam je i bio cilj. Posebno oduševljene je izazvao folklor naše škole, gdje su najmlađi učenici pokazali kako se čuva i njeguje tradicija.



Važni dani i datumi

Dan hljeba

U srijedu 16.10.2019. godine članovi Ekološke sekcije su na prigodan način obilježili Svjetski dan hljeba. Tom prilikom Centralnoj kuhinji „Crvenog križa“ na Koševskom Brdu uručili su hljeb, raznovrsna peciva i na taj način pokazali humanost na djelu.



Dan učitelja

Danas nam je divan dan,
Učiteljima rođendan.
Ulaze u zbornicu učitelji dragi
Korakom svečanim, lice im se zari.

Danas nema dnevnika,
Kontrolnih ni ocjena,
Danas samo osmijeh,
Najboljih nam prijatelja.

Hvala vam za sve
Učitelji dragi,
Za svaku toplu riječ
Koju ste nam dali.

Hvala za ljepotu
Svakog novog dana,
Hvala za dobrotu
Upućenu nama.

Ponosni smo na vas,
Učitelji naši,
Nek' vas sreća prati,
Gdje god da se našli!

Ema Kurtović VII₁

Danas je dan kad kažem: Hvala!

Iz godine u godinu slušamo Vaše
plemenite riječi...
I mi Vama danas želimo hvala reći.
Mnogo ste nam i o životu pričali
I s nama ste sve i lijepo i teško dijelili.
Mnogo, mnogo smo od vas plemenitog
naučili.
Zbog toga danas, a i uvijek odajemo Vam
čast
I neizmjereno priznanje, i kažemo danas
veliko: Hvala !
I na Vaš veliki dan dajemo za budućnost
obećanje.
Vaše jake, velike riječi pratit će nas
cijeloga života
Školski dani, časovi provedeni s Vama
Za nas su nezaboravno sjećanje, radost i
ljepota.
Zato je danas dan kad kažem: Hvala!
Svaki dan vam hvala od srca
Jer će Vaše preneseno znanje da svijetli,
Da se prenosi i generacijama drugim
I živjet će u nama dok ovo srce kuca...

Ilhan Numanović VIII-1

Učitelj

Kada u školu kreneš ti,
tvoj učitelj će te u školi čekati.
Kada iz škole kreneš ti,
Tvoj učitelj će ti sa prozora mahnuti.
Na času kada hoda razredom,
Gleda u sveske,
I učenike što marljivo rade.
I znaj da je taj učitelj onaj,
kojeg i kada godine prođu,
ćeš se sjetiti,
i nikada nećeš zaboraviti.
Isto tako ono što te nauči,
Zauvijek to pamtiš.
To su ti učitelji što na kraju nove oblasti,
Umirujućim glasom pitaju:
„Da li je svima jasno?“,
i odgovor „ne“ je rijedak.
I to su učitelji koji su meni poklonili znanje,
I još uvijek poklanjaju,
A ja njima, od srca
Evo, poklanjam
Ovu pjesmu.

Armela Rešidović VI-2

Aziza Miraščija VI-1



Ilma Babačić VI-2

Mojoj nastavnici

Vedro lice, oči sjajne
Otkrivaju naše najdublje dječije tajne.

Osmijeh blistav, iskren
Svakom djetetu nesebično dijeli.

Svojim učenicima sije znanje
Svakog dana na sve strane.

Svakoj našoj brizi,
Ona je lijek, prijatelj pravi, zauvijek...

Svi je volimo i ona voli nas
Nastavnica Behdija, pravi je prijatelj naš.

Bjelak Irhad VI-2

Dan učitelja

Od srca vam želimo
Svu sreću svijeta,
Sa pažnjom i ljubavi
Neka vam cvijeta.

I ja i moji drugovi
Vam želimo to,
Da vam se ostvari želja sto.

Najbolje znanje
Dajete nam svaki dan,
A mi sa vama sanjamo svaki san.

Djece je puno,
A puno i želja,
Neka vam vaš praznik
Bude pun veselja.

Adem Bišćević, III-1



Dan učitelja

Dan učitelja poseban može biti,
I uvijek lijepe ocjene mogu sniti.
Odmaraju učitelji, nastave nema,
Odmaraju đaci, jer se novo znanje sprema.
Čestitke se prave za svoju učiteljicu
I ona nam daje čistu peticu.

Ayman Fočo i Ayman Buljubašić, IV-2

Dan učitelja

Danas je vaš dan učitelji.
Mnogo ste nam znanja prenijeli.
I zaslužili odmor dugi,
To vam žele vaši mali ljudi.

Poklanjate nam sreću,
A mi vama ovu pjesmu.
Puno ljubavi i hvale
Žele vam naše ruke male.

Uma Hodžić, III-1



Ema Kurtović VII-1



Jesen

Jesen je...

Lišće je jesen pozlatilo
Raznim bojama ukrasilo,
Sve nas obradovalo.
Sunce se pomalo uspavalo,
Lišće je sa grana opadalo
Na vjetru se poigravalo
I jesenju pjesmu pjevalo.
Oblaci se po nebu igraju,
Kapi kiše počinju da padaju
To je ta jesen krasna
I u plodovima slasna.

Tarik Bećarević VI-2

Jesen

Najbogatije godišnje doba, to je jesen,
I sa njom sam uvijek zanesen.
Škola počinje tada,
Putem lišće pada,
To lišće šušti
I poslije toga se suši.
Životinje sanjaju zimski san,
I tada medo nije gladan.

Ayman Fočo i Ayman Buljubašić, IV-2

Jesen

Jesen je stigla sad nam je gost,
Ljudi spremaju i jedu tost.
Mali đaci, škola je nova
Vi učite i pišite slova.
Voće i povrće je zrelo,
A u zimnicu kada se spremi je vrelo.
Medvjed spava zimski san,
A i često je kišni dan.
Ptice selice lete u topao kraj
A to je sve jesenski raj.

Adem Bišćević, III-1

Đuzela Barić IV-2



Jesen

Jesen je stigla sa
Jako puno žutog lišća.
Dolaze nam đaci novi
Sa snovima svojim.
Šu, šu, šu!
Nešto u šumi šuška.
Šu, šu, šu!
List se za listom druška.
Šu, šu, šu!
Ljulja se sa grane.
Šu, šu, pu!
Past će nam na rame.

Uma Hodžić, III-1

Kiša

Kišni dani dolaze
A sunčani već odlaze.
Pada kiša napolju,
Djeca joj se raduju.
Vole je i puževi,
Miševi i zečevi,
A ne vole ptice
Jer im kvasi lice.

Mustafa Muminović, III-1

Kiša

Kiša dolazi, sunce odlazi,
Mokri smo skroz na skroz
Mokro lice, mokr nos.

Kiša lije, kiša curi,
Brzo kući svako žuri.

Kiša je stigla da popraska miša.
Miš trči skok na skok,
Pljus! Lokva mu je pala na nos.

Uma Hodžić, III-1



Kiša

Kiša pada cijeli dan,
Mene muči blagi san.
Grmi i sijeva svaku noć,
Oblaci imaju kišnu moć.

Djeca puno vole kišu,
A to malo smeta mišu.
Sanjam na šta oblaci liče,
Uvijek tražim poznato lice.

Biće puno kiše danas,
Izađimo djeco vani na čas.

Nađa Dautbegović, III-1

Šumska družina

Kesten se nada da kiša dolazi,
Da ga zalije i da ne odlazi.
Noć je došla, kiše nije bilo
I to kestenu nije bilo.
Nekoliko dana prođe
I kiša je stigla,
Kesten je opet sretan,
Njegovo je lišće s poda digla.
Kesten je mnogo visio
I tako se odmorio,
A kad je trebao pasti
Oklop mu se otvorio.

Ayman Fočo i Ayman Buljubašić, IV-2

Dan dječije radosti

Dan dječije radosti sva djeca vole,
Tada počinje raspust i nema škole.
Radost za djecu vlada gradom
I tada se ne bave školskim radom.
Veseli čas u školi vlada,
Nijedno dijete nije tužno.
Prolaze ptice radosnice
I šalju lijepe razglednice.
O tom danu snivaju
A kad taj dan dođe
svi poklone dobivaju.

Ayman Buljubašić, Ayman Fočo,
Vedad Hasanović, IV-2



Lamija Zuko V-1



Kerim Tuzlić V-1

Drvo mira

Naši učenici su u Vogošćanskom parku zasadili drvo mira. Sadile su ga vrijedne ručice sarajevskih osnovaca – volontera. U saradnji sa Centrom za razvoj omladinskog aktivizma, u okviru projekta „Volonriranje je cool“, učestvovali su i učenici VII razreda s pedagogicom Berkom Bibić i Dželimom Genjac-Lilić.



Ostajte ovdje

Na svečanoj sjednici Općine Centar prisustvovali su i naši učenici, koji su prisutnima podijelili svoje radove na temu 25. novembra sa porukom „Ostajte ovdje“.



Moja BiH

BOSNA I HERCEGOVINA MOJA DIVNA
DOMOVINA

LIJEPA NA MNOGIH VISINA,
A TRKU RIJEKE UNA, SAVA I DRINA
BIJELA ŽUTA I PLAVA
NA ZASTAVI NA POVJETARCU
VIJORI.

LIJEPO MJESTO, VEDRA NEBA,
A KADA SE NEKO VRATI U SVOJ
ZAVIČAJ,
KAŽE: OVO JE MOJA BOSNA I
HERCEGOVINA!

Hadžić Lana VI – 1

Moja domovina

MILA MOJA DOMOVINA
PUNA RIJEKA I PLANINA
SA PUNO LJEPOTA, DOLINA
SVI JE VOLIMO
SVI JE HVALIMO
I U SRCU NOSIMO!

Lejla Babačić VI – 2

Dan državnosti

Svi sad govore kako lijepa si,
Jer te uvijek krasi tvoji ljiljani.

Slobodan dan za djecu i ljude,
To uvijek slave svi,
Veliko slavlje čuje se svuda,
Na ulicama slavimo mi.

Tog dana škole nema,
Djeci se sviđa to,
Lijepo odijelo se sprema
I bogata hrana za sto.

Svaki dio grada tada je ukrašen
I nijedan kutak nije promašen.
Ayman Buljubašić, IV-2

Dan državnosti

Ovo je Bosno, tvoj dan,
Sretan tebi rođendan.
Država si lijepa ti,
A to vole svi.
To mi slavimo,
Svijeće na torti palimo.
Država si najdraža moja,
A to je sreća tvoja.
Imaš puno gradova i rijeka
Bit ćeš lijepa do vijeka.

Adem Bišćević, III-1



BiH

Draga BiH u našem srcu si ti,
Volimo te svi,
I zato tvoj dan slavimo mi.

Volimo te najviše od svih!
Lijepa si nam ti
Zato pjesmu sreće pjevamo mi.

Đuzela Barić, IV-2

Domovina

Domovino moja, molim te, slušaj me,
želim ti reći da te puno volim, da volim
tvoje rijeke pune sreće i ljubavi i tvoje
prekrasne mostove sa svim mogućim
oblicima. Ali, ono šta mi se najviše u tebi
sviđa je to što si ispunjena
ljubavlju, srećom, radošću i svim ostalim
emocijama.


Volim te puno i želim da budeš sretna i
svi oni koji žive u tebi.

Naila Smailagić VI-2

Moja domovina

Zanimljivosti o BiH

- ✓ Nadimak BiH je zemlja u obliku srca zbog oblika države koja podsjeća na srce.
- ✓ Prvi korišteni tramvaj u Evropi je bio u Sarajevu 1885. godine.
- ✓ Prvi Rječnik bosanskog jezika je objavljen oko 180 godina prije srpskog, a 200 godina prije hrvatskog.
- ✓ Prva internet vijest u svijetu je poslata na zimskim Olimpijskim igrama u Sarajevu 1984. godine.
- ✓ Begova džamija je prva džamija u svijetu sa električnom rasvjetom.




Mak Skrobanović III-1



Erol Gradašćević IV-2



Selma Šehović VIII-1



Sara Ademović VII-1



Eldin Bulja VII-1



Esma Bajraktarević VI-1

Moje čudesno putovanje



Pariz je grad svjetlosti, ljubavi i mode. A ja bih dodala čudesne zemlje Diznilend. Moj dolazak u Pariz je bio očaravajući. Krenuli smo put Diznilenda. Koliko me je Pariz očarao, toliko me je Dizni ostavio bez daha. Tek sada sam razumjela Alisu u zemlji čuda, koja jureći zeca sanja čudesan san. Nisam znala gdje poći, koja strana nestvarnog parka je ljepša. Trebao mi je zec.

Diznilend se sastoji iz dva dijela. Prvi dio je zabavni park, svijet zabave, crtanih junaka, razonode i nezaboravne vožnje. Drugi dio je Diznijev studio koji je posvećen svijetu crtanih filmova. Sve je to upotpunjeno velikim brojem slastičarni, restorana i

zanimljivih prodavica, koja vodi ka magičnom filma uspavana ljepotica i osjećala kao Aurora. Zemlju mašte gdje su me Diznijevih crtanih stvarni! Alisino dvorište sam ja, kao i mnogi drugi od tog trenutka i ja sam Pinokio, vozeći se kućicom, čas Snjeguljica patuljcima, čas Bela koja čarobnim posuđem... Vrijeme u proletjelo kao najljepši vatromet i bajkovita najljepšeg dvorca svijeta. dana po ko zna koji put

Izlazeći iz čarobne sam da snovi zaista likovi u njemu stvarni, samo trebaš vjerovati. A Pariz....Pariz je između ostalog i grad bajke.



Koračati ulicom dvorcu iz crtanog sama sam se. Zatim sam ušla u dočekali svi junaci filmova. Pa oni su potvrdilo je da oko mene, Alisa. I junakinja. Čas sam njegovom koja maše pleše zajedno sa

Dizniledu je san. Budi me muzika sa Svi posjetioци toga ostaju bez daha.

zemlje, shvatila postoje i da su svi



Nađa Dautbegović III-1

Moje putovanje u Beč

Za Dan državnosti moja porodica i ja smo otišli u Beč. Autom smo putovali kroz Bosnu, Hrvatsku, Mađarsku i Austriju, a putovanje je trajalo 9 sati.

Prvi dan posjetili smo najveći šoping outlet Parndorf koji se nalazi 47 kilometara od Beča.

Drugi dan smo posjetili akvarijum „Haus des Meeres Aqua Terra Zoo“ u kojem se nalazi preko 10.000 različitih vrsta životinja.

Akvarijum ima 10 spratova i površinu od 4.000 m². Zgrada je izgrađena tokom II svjetskog rata.

Posjetili smo i čuveni „Prater“- Bečki luna park. Park je otvoren za javnost 1766. godine i pored luna parka sadrži fabriku čokolade i Madame Tussauds muzej voštanih figura.

Treći dan smo posjetili „Schonbrunn“ dvorac koji je sagrađen davne 1643. godine. Ovo je najpopularnije turističko mjesto u Beču i posjeti ga preko 3 miliona turista godišnje.

Pored dvorca u ovom kompleksu ima i zološki vrt, a okružuju ga prelijepe bašte. Dvorac ima 1 441 sobu i bilo je lijepo posjetiti ih i slušati o historiji.



Ayman Buljubašić IV-2

Uspjesi, posjete, takmičenja...

Kao i prethodnih godina, i ove smo školske godine bili smo jako aktivni po pitanju vanučioničke nastave. Neka odjeljenja su sa voditeljima sekcija išli na izlete, a neka odjeljenja su u sklopu pojedinih nastavnih predmeta obilazili značajne objekte i muzeje. Kroz kolaž fotografija, pogledajte gdje smo to sve bili.







Botanički vrt naše škole



Škola plivanja za IV razred



Takmičenja



Nova godina

Sadašnja godina se bliži kraju,
A slavit ćemo Novu kao da smo u raju.
Proljeće donijelo je cvijeća,
Ljeto sunčano je bilo,
Jesen šarena sa listovima,
A u zimu led se stvorio.
Raspust nas čeka,
Snješko Bijelić se smješka,
Ova godina prolazi
Škola je bila zanimljiva.
Snijeg se polako spušta,
Nove godina otvara vrata.
Ta noć će biti bajna
A provod te noći će biti sjajan.

Ayman Buljubašić i Hamza Alibašić IV-2




Rijad Muhović VIII-2

Da li ste znali?

- Na prosječnom uredskom stolu ima 400 puta više bakterija nego u toaletu...
- Najbolje je ići u kupovinu cipela poslijepodne, jer stopala malo više nateknu u to doba dana.
- Kina je zemlja sa najvećim brojem ljudi koji govore engleski.
- Da je slikar Leonardo da Vinci mogao u isto vrijeme jednom rukom pisati, a drugom slikati.
- Da se Sahara mjesečno proširi za oko jedan kilometar.
- Da trećina svjetske populacije živi od samo dva dolara na dan, a 1,2 milijarde ljudi živi sa manje od jednog dolara...
- Da je prvi e-mail poslao Ray Tomlinson 1972. godine. Njegova ideja je bila i upotreba znaka @.

Ilma Babačić VI-2



Ema Rustemović VIII-1

HUMOR

Nastavnik geografije pokazuje na karti i pita:

- Zašto se ovo more zove Crno more?
- Možda je u žalosti-odgovara učenik.
- Kako u žalosti? Za kim?
- Pa možda za Mrtvim morem.

XXX

Došao dječak kući i kaže mami:

- Mama dobio sam jedan iz matematike.
- Pa dobro, sve su ocjene za učenika, pa i jedinica, ali ispravit ćeš ti to, zar ne?
- Ali ne mogu, mama, napisana je hemijskom olovkom.

XXX

Pita učiteljica učenika:

- Zašto si na roditeljski sastanak pozvao svog djeda!?
- Jedini on u porodici slabo čuje.

XXX

Pita nastavnica učenika:

- Koja je oznaka za vodu?
- H₂O.
- Bravo!
- A šta znači H₂O+H₂O+H₂O?
- Hmmm... Pa...Poplava!



XXX

Razgovaraju dva prijatelja telefonom.

- Gdje si ti?
- Ma, evo me Norveškoj!
- A, gdje ti je to?
- Pa kako da ti objasnim? Imaš li globus?
- Imam.
- E, to ti je odmah ispod šarafa.

XXX

Novinar:

- Dakle, gospodine, vi ste pjesnik:

-Gospodin:

- Da, ja sam pjesnik.

Novinar:

- Amater?

Gospodin:

- A mater nije, ona malo radi na poslu, a i kući ima posla i tako to!

XXX

Čovjek se zaposlio u muzeju. Nakon nekoliko dana pozove ga šef:

- Gospodine, nismo zadovoljni tvojim radom.
- Što hoćete, radim ovdje tek dva dana, a već sam prodao dva Picasa.

Amela Fočo i Hana Mirvić VI-1



NAŠI PRVAČIĆI



I-1 sa učiteljicom Seldinom Kovačević



I-2 sa učiteljicom Medinom Ahmedspahić



I-3 sa učiteljicom Aldijanom Redžović